桐

城

耆

舊

傳

	方同知方臨江金鄖陽傳弟百二十一	程忠烈公傳弟百二十	馬徴君傳弟百十九	先大父通判典簿兩公傳弟百十八先考慎養公	蘇許朱方四先生傳弟百十七	戴蓉州先生傳第百十六	葉南安鄧會同董教諭傳第百十五	徐勇烈公傳第百十四	邑後學馬其昶通伯選	桐城耆舊傳卷十一目錄	
--	-----------------	-----------	----------	---------------------	--------------	------------	----------------	-----------	-----------	------------	--

						吳摯父蕭敬孚二先生傳弟百二十三	方柏堂先生傳弟百二十二	第十一目錄 一
--	--	--	--	--	--	------------------------	-------------	------------

年 一少隨 諱 進 卽 安 声豊玉字子 樾 烈公傳弟百 萬 郡 有 僕 選庶吉· 而 縣 習 父歴中外 父勤苦 刑律治 可錢穀 西 諱 支入 後其 * 獄多寬 號 青 詠 外 心 四 國 順 Ž 佐 朝)善草 至 民 各 坐 其族 養惟 |公考太僕 府 **兽與府** 食 隸 能左 條官 毅 者 不 Ш 歸 平 西 東 桐 卽 爭 始 箴 西 城 書 事 政 耆舊 迎 映瓏字谷 終 父歸 支東 數 至 丽 慶 事 傅 Ш J 自 單 池 麂

撫 則 吏 氟 其 羅 平姦 援 民 畏 將 圖 逸 例 ~ 發 其嚴威總督 一繞典意 苗 授貴 魁 日 〈寨出 得妄 退 不可 **嘯聚連** 極邊 巡 保 州 屬 撫喬 入險 平遠 禾公 助兵徐 結 公 剔盗 要 乃調 用 林 文章屢試不 州 遷 何
城 知 公 知 為患 則 旣 因 州 知黃 清保 復 虚 滋 權 徐甚嘉 人流 「威雷 事當是時 實 巨官 任 平 而 旣 州 遇父憂 甲 更莫 異之 黄平 羅 捕 理 屯 公 因請兵會 斬 亦去 軍 會 能 廣西窓起 盗 服 、盗安 禽 一藪日革 鎮遠 惺 親 闋 巡行 年 制 府 剿 \mathbf{H} 劚 夷 本 壯

喧言 民築 驅 盗 應 年. 事 林 適 西 翼往 革 論 刻 保 邊 裥 豈 夷盗劫公車行李巡撫 功 期 禾 胡 祀 死 贝 禽獲 授 揮 御史聞 剿 公去遂專以委公前公車 《博十十一 人命 差 人之 兵盆進羣苗 胡 湖北黄 値公盡 公鎮巖門距 而 奏 博 巡 撫 升階 不與有欲 文 意 以計得盗首誅之巡 : 宗 爠 **恋奏擢** 邪 寨 御 吾 擁 雲南 數 固為 保 為公訟言 懼事聞 極 郎 禾 遁 岱 民 舉 里 巡 嚴旨 一戦事 撫張公亮基 除害終 同 乃奏遣 4 者 責 幾 被 知 劫 謝 問 署 撫遂覆奏 府議 知 不自 巡 思 府 吾行 公前 州 撫 都

地 道 賊 徐 巡 西 撫常 餘黨 方忠 附 沙 議 覲 從 道黃平知公賢具疏薦之 防守上 張公亮基無湖 馬令 誠 猖 四散分兵追捕次也 湻 辦 及四萬 獗 一書請 之計 駐 招 由 湖廣軍 全 液土 重 我 兵 乘 務逗 軍環 餉 大軍雲集并 贼 南 岳 犯 以資 奏調公時 州 湖 日 選精 列百 邇 南連 為 一聽其全 湖 不)故有! 南聲 進寇以萬 游重 陷 卒 數 力 更替 州 十營公請散金 一股逃 殄滅 鎭 是 援 縣 湖 而 報 鼠 戰 命 自 北 命 兩廣總 與漢 而是 也 以 圍 下也 뻬 一疲寇 長沙 尨 震 剿 黄 時 除 鋑 請 督 圍

昌旣 慶江甯俱陷廣縉 勒恭武棄軍遁寇遂趨武昌公隨廣縉 進 薄宜 援不 如竄江 增軍 故岳州之守最重次常德次寶慶而三處兵力 不欲專軍事寇攻城急公自請乘城分守西 聽 不博 州官 月寇 張公然之顧以廣縉方奉 西 西 鼠江 江 二月武昌陷公復謁廣 解圍去果掠船盆陽赴 得罪去張公亮基移督 南皆危今公當移 欲我 西不如竄貴州邊省 、駐黃州耳卒不 節 黃州 縉 至岳州力請 岳州 湖廣而公水 聽三年 命節制諸 隅不 事急矣武 截 賊 提 致 春 PH 博

適 也 陽歸德攻 漢黃德道 察使 奉 新 大營而 湖 西 漢黃 銜寇 於 是 開 督糧道之 縣 江甯寇亦分竄江 一德道張公汝瀛副之 ·幾廣 旣 羊 總督特奏公駐 封不克遂 據 里 江甯復據 濟民變隨 鎭 有沙嘴出 澑 渡 命 在 河北 舟 總督以公外習黃 揚州 按察江公忠 兵田家 西 後有 鼠鎮 江 兩 山 田 湖 鎭 家 江 鎭 戒 與南岸半壁 必 江寇突出襲燒 頻者 山 嚴江公奉 總 揚 順 湖 源討平之 日黄金 州寇分寬 囘 州 北 防堵 奏請 過 防 塔 要 鳳 軍

知 富 嘴 船 奇 瞭 船 無 望 池 西 得 泊 終 書 鑿 足 田 羊 公 屢 側 江 木 告 欲 要 牌 Ĭ 公 列 公列營 可 寇 張 急 山 破 旣 營 礟 位 公 武 述 殲 赴 下 百 誻 昌時 數 解 復 拨 壁 爭 壁 百 圍 納 岸 兵 張 去 連 目 時 遣 越 典 後 木牌 公 少 流 丽 按 改 公 湖 巡 不 中 爲 統 舉 撫 撫 招 湖 沙 汊 可 / 嘴夾 兵 山 攻 犯 張 脅 通 僅 東 從 則 湖 娳 未 焓 以 棉 義 者 國 進 同 戰 絮 屢 州 竹 戰 巡 其 固 飹 撫 竭 卻 池 湖 中 水 馬

黎明大 追寇陷 **此之令副將張金甲副焉李渡江** 知 剄 戰 將 船 州李公榞者忠勇士 葬後復 而 墮馬寇眾戕 出戰敗寇 水陸兵接 木牌 源寇 霧風愈 是夜東 件 火起張公汝瀛死之公躍馬 反追之遂 北 予諡] 熾 進 應 之 半壁 攻木牌 風 田家鎮寇復掠舟自 歿 勇 尨 烈建專祠子宗亮字 九月十 一也率練勇三 山羊子山之寇幷發公趨 死金甲望之 而南岸反追之寇 船在富 池口者 日 馳寇營寇驚 也年 漬時 百自請 興 Dr. 勞光. 出 國 四 已潛渡 施市 営 因乘勢 出 斫寇營 畢 走李前 泰亦 荆 北 佩 誉

卷 狵 卿 急公解印 馬其昶日公始慕文術從姚石甫先生問學篤嗜古文 辭 護 始 枚 閒 略六卷歸廬談往錄二 承襲騎都 類纂所嘗讀本 太僕為名 胚参胡文忠李勇毅李文忠諸公幕府箸黑龍 孫也以諸生掌公書記寇 爲公故居在城西今爲 謂徐氏三 授之使閉道 一等ト 尉精悍有口辨毎論事輒伏其坐 卿 世長各因時不 勇烈 都尉君臨卒以 投行省卒不忍去 死節 一卷善思齋詩文鈔共二十 都 **祠吳思恆者諱沖謨侍** 犯田家鎮義不 尉以文章議論顯名公 相襲美 授其昶眷公手澤 同時 人守

新 琚 南安 公諱球 糧 有雋才道光十五年進士官編修早卒 城固守七 遷 文忠公奏公死事幷及吳遂 城 六年 兵 巡 大饑民乞 舉 部 鄧 字 曾 始所有訟 厠 為縣令浙江署新城嘗乘竹輿 畫夜拨兵不 同董 中 4 叔華道光二 (皆離) 振 出 教諭 知 勢洶洶大吏以葉令有遺愛 江 呼威泣遂 争卽時平决去 傳弟 西南 至 城 安府粤寇 年 百 耐 陷 進 祀公 殉 無 事署 五 節 由 任民泣送 に 庶 吉 於 竄境泣 洞 弟 城 阿 攜 季 樓 政 檄 華 値 叉 鴈 兄 数 役 瓖 伯 事 庶

懷 甲 幼 懷 各 朝 諸 科 敦 衮 終 觀 寇 生孝事 学 廣 厚等字名堂葉 號 懷 字 至 7 績 儒懷 者 坤 則崇 東翁源令 五世孫毓 西 生 皆 ĺIJ 繼 樵以貢生考授 收恤之 乾隆 朝 諸 母教課 **醎時恩拔貢** 展 生 字斧 所 次景 桐 五. 咸 氏 諸弟皆 初 至 八年 · 懷原 文 所 豐 公六世 有績是為公 均 九 生 調 州 以 名 四堂 年 賢 選 同 進士 孝行著 禺 间 州 汞 加 者 以 同四 城令 實 有立次熔 字 至 也 曾 齋公 南 其後 一安肅 穪 祖 行 永 召令 悉署 斧文 有 長 兄 弟 潤 舉

祭 以 政 鄧 州 願 取 厯 死 供事以 公諱 半 得 父 署 署 同 监遠 月治 鄧 鄧 知 卹 州時 州 贈 署鞏昌府後 爾昌字仲韓 鄧牛 鹽 平 知 葉青天活 從 《傅十 府 源縣丞同 裕 儿 月治 品發湖 衛 其 年 州 瀏 陽勤 民 少孤 我 以命 祀 裕 南軍 期年 從 治 裕 於吏職 達開伏誅 案株 其請 事毋孝家貧厲學遊京 州 初粤寇 兩 功 名宦 州皆 擢 果 匹馬獨入村舍民不 連 石達 知 幾激成變 子春榮手割共肉 而景懷玄孫胜字 得情實平反之於 化各祠祀之 縣 直 開館帶遠 隸 州 言 豧 會 大 擢 師 力 挑 錄 同

董 會同遣官祭馬 城 受辱猶 威泣為立專 為吏同治二年石達開 夫以身殉 崩潰骸骨俱燼 奏其能 署 公諱澂鏡字思陶少以詩名落落不苟同道光 東流 昶 恥 世言 苟存若夫有官職守土之 擢 訓導遷懷遠教諭與縣令籌防堵 者 裥 知縣賊攻城益急鑿地道實以火藥火 我 不可勝記其在 贈道銜後陳逆被獲奉 朝節 餘黨陳復猷陷會 義遜前代非也東南亂 野, 非必責之死特義 者其無可倖 同死之士 屢 旨傳首 ||挫 || || 中 起 舉 級

戴 戴 斷然矣余故記之以立臣防焉 伏寶三 銳志 先 蓉 年後尋自悔耳時方先生論詩作 九年舉 餘刻蓉 諫陳 州先 一諱的 謂伏生歐陽大小夏侯馬鄭王 為學思以通經 年 於 生傳弟百 公慶鏞皆願結交而曾公尤善先 作十 鄉侍 成 、初稿見者駭爲異才方植之先生笑言 即曾公國藩呂公賢基通政羅公倌 詩果自收前刻因遂投贄道光一 致用校刻望 溪集篇 昭昧詹言傳鈔得 顧之說其僅 生 目倍前 年

命 諮篇 个大計 起 卷 病 等的 文 督 後曾公在 獲 以 安 宗 師 故 徽 惟 結 置 聞 能 死 新政求直言先生在 訓 將選吏 急 義 張 團練先生十 未幾粤亂 遠過今行孔傳朱諸 乃 民上 Ŧ 起 小嵩奔走 軍 頗 多 用前時著成 挾其書時 書 重其事權開幕府收羣策羣力之 違 起曾 大府請兵久之 失因旁羅眾 舒廬 一書論 公治兵長沙呂 時 效大臣 誦之 圖恢復先 都 藉 家大義最 事 謂 手諸 說爲 白 而 爲 犂然當於心也 能 生 公條 書 桐 一與文 心 優獨 侍 傳 得 城 舉 所 即 陷 豧 慨然念 當 於 歸 斗 馬 亦 商 向 盤 徴 世 垣 奉 當 初 諧 徵

劉皆 督定三率兵至桐城用籌餉勞敘光禄寺署 甲 小嵩隨臧公督戰死寇益肆先生走臨淮乞師妻李 公 旣 兵事反覆至數萬言日草茅一 懷 無 紆青取桐城連破賊乘勝薄城下援寇猝至軍覆 宜 三時袁公駐兵臨淮議圖安慶乃奏遣宿遷舉人 速 遇害袁公旋被議去先生客懷遠嘔血卒年 不得達乃發憤為書極言 襲 、從子嗣箸味經 垣咸豐 桐 《傅十 城絕舒盧賊後不宜 一初以廩膳生舉孝廉方正六年秦提 山館詩文鈔 得上之 用兵在神速在設伏 一坐擁 重 副 兵於 卷文徵君 都御史袁公 正談啁 四四 隅 臧

速 有 皆 賞其超 蘭 生年十 覆按諸生 依理 黟縣教 、哭主 佛堂先生諱宅俊字愷生幼時家酷貧 光二 道 絕 懷遠自以 下事上 謂在 人聞 一書義莫能 諭 初學詩於 十四年 居樅 入塾 一楷 之遂令入 孟塗歌堂上 非夷 偶 陽為治南當是時邑東鄉陳家 一隸詩亦清 ·成進 對 拾薪過父塾立窗外移時 、才告歸大肆於詩方植之 肋鼠 乃復從窗 塾饋之餐 一晩年未 迥里 知廣西來 與先生齊名 外代對父趨 人並稱文戴 又三年取 詩尤偉 賓 (縣歴 江待 父 充 視 園 河 為

略異日為國家肩非常必曾公也曾公旣絕重 生受學嘗告其昶戴先生交曾公京師時稱公文 馬其昶 建 傳至唐岑先生諱紹眉好學宗朱子 亦 攘之 夙負經世之 桐 鄉書 日文 無 諱帽元字厚子號欽齋上 方四先生傳弟百十七 不肯 禄悲夫士之所遭豈不各有命 院 戴 出 叉同輯 兩 先生 一略後曾公果成 幼共學長相得也於縣 古桐鄉詩選吾先 世明 大 勳廣求 初 君 哉 自鄱陽來 國 初隐 先生 從 北孔 武 兩 遷

卷其後 肅 爲 因 齌 欲乞 溪侍 以為自宋 整 廢 五 而 訂 當 禮 楊 傅 郥 園卒得 望 雖 湖六 至徴 以 臣 無敢咳唾 溪年 軟 以來 奏請從 E C 爲文之足以載道 存 度 君 自 譜 從 得 則益 楊 救其 朱子 祀 園 習 制亦多 祀 禮 卷 於 純 篤 孔 百 實 執 廖 不 Ė 好朱子 同邑則 諸 曲從時好嘗 傳 喪哀戚甚燕居 介 者 行遠者朱 平諸 果因纂 大吏奏請祀 師 及 惟 事 儒 近 西 世 Ш 喪祭二 訂 前 張, 慨鄉 魯 儀 精 過家 鄉 衞 楊 後 園 切 齌 惟 年 醴 賢 俗 敬 園 而 廟 徽 誻 窐 軒 私 冠 過 前 淑

居喪 卒其後光緒元年舉孝廉方正者二人張先生諱 卷 服年五十七卒 說以辨之其儀節從其簡易而宜行於今者凡爲書 縣 簡富者僭越且多信從二氏之法違失經旨乃就前 而參以諸家之說鄉俗不害義者仍之害義者 時 他 學生交行書法俱能傳父業懋甫才過於 卿號容溪以諸生主講河南許州書院三十年 所著有遜敏錄四卷文集八卷詩稿四卷道光 所輯家祭約儀擴之為四禮從宜遵用 諸 不作十 生舉孝廉方正固辭不 子求莊字强甫號毅菴求敬字懋甫 就試 詔賜六品 兄 家 附錄 禮 而

植之 也 東 授經 先生 其昶 **《姚先生諱思贊字子襄箸酌言二卷臨卒授其門** 然自樹於流俗之 山潛修篤行先生 學中庸 先生見之賞其深粹嘗語 外母卒家貧歛薄痛自責罰居喪三 |諱鼎字子秀號玉峯晚年更名魯父諱懋昭 窮巷母病痿數日 豧 釋困學齋文存皆說經之文多與朱子立 外益有省發箸正志正學二 一跃聞父教及讀元 一禮睮五十色養如孺子不 歸省即親滌中裙 人日玉峯今之 《儒語清苦守 一年日) 吳康齋 示夜 一錄方 節

能 薦舉 柏堂 如前植之 隨徇俗營口體之 短 生諱道文字魯存少 者 衣負 詩其於天下事常遠見於未然道 者 人人佛十 甘號愚亭無文采大言性命之學以李文忠 遺 甯令以愛民為治補崇明 謂 先 **一**笈唱名搜索恥之遂徒步 在 生諫之 質 集四卷植之先生以文學為後進宗 為不及 行於 奉東山先生亦安爲 則有之謂為 引 同輩服玉 陽 有經世志爲 崩稍 一拳於從遊之士喜稱 週 即 週 私 、坐事 歸棄舉 諸生應 則固無也 語 光中英吉 及居父喪 龍官 則謝 鄉 盆

俗 友循 性 夫庸 或 溥 之 息 惡 生及妻 日方今天下 也 儒 憂 意 貪 獨 日 國 汗全 勢旣 慮 血 方 萬 備 深 逞 皆 大 再食冬無 十 軀 耳 折 受 弱 受 知者 子 子 不 五 子 餘 創 亂 姦 之 者 終咸 民 寇 萌 移 端: 歎 歎 妄 時 ,而 銷 己 息 豐 其 鮮 人 見 生 蘇 禍 去 深知 本 心 且 覬 制 \equiv 年 愁 有忠 復 先 識 匐 E. 覦 爨 -粤寇陷 换 先 兵 而 生客遊 義名節之一 粤寇 懦 通 旣 公私 厯 城 果 乏 亂 進 老 家 厄 匮 始 毋 可 風

漏 時 趙 先 聊 卹 之 故豁如 介山先生諱獻 稱其有 不倦皇皇講求政俗 眠山 謔 聞 奢 學復箸 門人 也 心 邵 開 人蕭穆閒年必走百餘 康節之遺風箸文集二 酒 迹 魯 解 囘 酣 性 本名 述 字元叔縣學增生 閒 册 歌楚 晩年週 册 一解音 侍 超其學通 弊期實見之 郞 黿 百餘里登 響悲 為 山吳侍郎 書告長白 卷詩 質釋老有 篤信朱子 慨 霍 集 往 倭 復 卷 之 明 墓 無

馬其 空舍 死 四 無 嘗 年 舜 見金字大書 襄 十卷張先生諱 舉 昶 與共學今皆 傳其學於 卿 得良藥 兩 授曾文正 知 師為之授 日昔吾先子從遊徵君之 生三 其在京 見っ 不 |先生亦幸辱教焉寺丞於 梵 死 經 讀 公來安慶從方柏堂 傳誥字知生 奄忽眼中先輩 遂終身崇信不官不立資產 師頗偕徒友講陽 理 _ 寺丞馬君 四 琅 禮從宜 琅誦之 [諱昌繁字月樵光緒 玉 精 耐 遂 一拳遺集 門其昶幼 · 寤從積尸中 通 釋典當 明二 無 一曲之 沿省嘗 余 : 問 入塾 為族父行 遇 可傷 學. 制 誦 贼 殺 他 匐 被 習 魯 稚 述 往

歸 通 服除權河南清化通判補汝南以母左太恭人老乞 并得營葬 先大父通判典簿兩公傳弟百十八 是徵君及方儀衞朱魯岑戴存莊文斗園諸先生 長子也嘉慶十二年副榜貢生以 咸 判公諱樹華字公實號條猸先曾 多物故或尚殯淺土因亟助之買山親題其墓碑 學師事姚郞中博稽典章制度及古詩文家徑途 豐 屈死年六十八祀昭忠祠公自 初粤亂起兄弟倡義團練城 個十一 州 少讀書 陷 先考慎菴公 祖贈朝議公諱 為 判發江西外 贼 則厭薄世

勤 私 禄養 佚 悉置 倘 明 用 具有儀 數 未 也其 季 知 風 別 義 也 及 殉 箾 開 節 子 種 法其於先朝掌故及 居 封 田 初 府曾 録其 į 諸 家 贍 汝 赴 旌 眠 臣 喪 族 官 識 我 祭 林 加 朝議公 可 略 徴 先 存 文 忠公每惜 葬公 訓矣公敬諾後遂不 闡 遵 者 朝 為 乃據 特 古禮建 日 昔 卷 闡 恩 日 諸傳 從 賜 吾 桐 幽 邦 彙 公屈 邑家 願汝 旭載 城 諡 祠堂祀 選 記 建 記 世售 於下 曹 陽任 舉 四 野 洞 贝 卷 始 史 記 中 聞 善養 病 旭 詔 僚 及 世不 邑志 奓 私 許 卷 藤 城 揌 家 酌 續 指 别 願

朝 典簿公諱樹章字幼白 遺 復 書日可久處齋詩文集各八卷皆已 母 集散亡 聞乎 臥 議公督家家日饒則益推以仁其三族質行甚厚孝 數十卷遭 太恭 如是者敷終亦不安公聽於無聲逆意而先得 翊齌遺書嶺南隨筆族譜家傳共數十卷其自 視衣百営而求 一輯馬氏詩鈔七十卷編定太僕奏略懷亭瑣 時朝議公病躁煩甫队 人病亦如之太恭 作十 亂多 佚 號恰軒密靜有思年十三佐父 愉於宅中搆怡軒 人年幾九十公食 輒欠伸欲起卽起 刻劑記及咫見漫 四 則 視 侍 為 輒

施者 事之益謹終身無 數 吾子乃使我不為病苦也 西構碧梧翠竹山館置小肩與春秋佳日每异母遊 見有今日往往泣下太恭人性潔晚年病脾瀉 十起公終宵在 東廳互問安否通判公就席治書史公乃退而課題 判公奉前公奉後是時太恭人懼甚或念朝議公不 譏簿籍皆細字莊 共餐於東廳日昳復如之秉燭話往事及諸所當 日客過 《傳十一 一個置 側不令少有沾汗太恭人每歎孝哉 一言之怫每晨與戒視麗掃即兄弟 寫通問戚友慶弔襄邑中義行及 酒 為摴蒱戲通判公適從後堂 通判公性附直與世格格公 利

余兩 無缺建享堂先坐 窗 殉 別 朝議公經營倍之逮公歲入穀千餘石矣春 貧族又糶租穀隨儲竹木甎石數年遂營祠宇 閒見之壓頻而去公坐席 不復為通判公日昔先人嘗欲建祠堂置義 贮又自 費貧者有口米婚喪嫁娶有助老者冬月有 人志事無相違者今當成此及仕俸錢寄家 軍 出所贏合購田二百餘畝為延景堂義莊 有試資族人歌德至今賴爲咸豐 至因貸錢輸軍亂定民居多燬公所 側擴基田以贍小宗 下嚮上 一微窺見之即 初嵗入穀 初 秋 通 取

定其篇 院 歐陽子朱子明王子以 敘 洞 戴存莊復事方儀衛從蘇欽齊問宋儒學從成 曾文正公嘉其義聞 府君諱起升字愼甫號愼菴 及居宅皆幸存慨然 加太常寺典簿銜年七十 私 天培問陽明 除括古今學術 淑 目也府君籣言嚴重每論事聽者意豁邑有 懷寍鄧山人於古賢服膺者四家唐韓 / 厚.1 王 氏心學從儀徵吳熙載讓之 於 謂此四家文與道皆詣極嘗 日是可私 載道 五卒 朝 集體 以候選詹事府 號 邪推所居宅為邑 約 趣園少受古文 而義宏訖不 都 問 簿 法 能

盆 印 四 棄 之 待 訓導起 為宗子 卷府君 來 之 同產兄弟本 卒 未娶 嘅蕭 謹 名 按 卿碩學言 裁决以縣學生 泰 職 旣卒其孤 有 文敬孚日 期功無可後咸豐 趣 服官 权父起益訓導 園詩文 祖 生 河 年 南 祖 辭安雅 其 稿 君自不出耳又嘗 汝 四十早世無子宜立 職父起升 常 議敘同知未仕亦時不能無淪 昶 八卷載道集十二 為狀上 府 如尊公者不三 五年 通判 獮 以嫡 叔父起 職其昶生 樹 巡 撫請達 華 長 l語其 與本 相 承 後時叔父 卷慎菴字 恆 數人也年 八世於 生 職 通 於 昶余見 判生 祖樹 祖 卽 朝 中中 起 繼 範

定議告祭先廟遺產歸嗣子惟 生 嗣 父 苦 年蒙 無別 兼 訓導為主後自職後訓導三十年職父生 例襲職 塊迷 年 祀 **祕職自痛** 四 揆諸二 服 子職年逾三十未有子息 子今職父母不幸 光緒 叔父起盆亦 思 給 傳十 雲騎尉世職職長 **祖九原之心必有** 元年 襁褓出後今所後 義 例 復以文生 、願以子其 誠不 相 勝 繼 兼襲个其昂 歿 通 孫 昂 悽 大 垂 判 加 願 |已有| 懼 承 | | | | | 一絕流 願 ì 惻 嗣 訓導 專嗣 重 怛悼不 初 身 游言必 孫 同治 旣嗣 在籍 無由 即 本 129 能 憑 持 得 殉 親 年 们 難 斬 兩

謹 孝矜忠之意誠無所悖謹取具宗圖 典 為經師君獨傳方先生魯生性命之學為經義粹然深 憐據情題奏改正襲典以重宗支無任悚切待命之至 年以優行貢太學叉舉孝廉方正負氣强力善技擊 馬徵君傳弟百十九 馬徵君辯三俊字命之號融齋元伯先生少子累世皆 狀 試使者疑其出明王守溪歸震川稿復黜落咸豐元 職退繼還本生宜退世職歸其昂承襲於 督學試文必弟 册結呈請鑒核哀 朝廷教

必 巡 撫 稍 犯 練 知 起應之遂議 先據要害 撫 是共推君與張 李嘉端 定 縣宋恪 桐 寇旣陷安慶棄去 湖皆 城 練 枛 制寇之道必先能進攻而後可退守守禦之 不 们 專十一 在廬州前按察使張熙宇屯集賢 勇名遠聞 讀 至 團練張君 棄城走諸 離騷聲韻 而後可保城池曏者全 桐 城 君主其 五 八 心激楚三 君 月寇 字小嵩 月寇攻江西不 度寇必再 事姦民竊發禽斬十 張勳痛哭崇聖耐誓死守 果復竄安慶攻江 年廣西寇陷安慶 有義行 州不守禍及 至 為 日夜與 克復據安 鄉 關 所 張君 西 君 七 慶 湖 信 桐 巡 亂

請 進 禍 復 此 桐 其意必在 守 有 志 桐 重 巡 及是 公嚴劾二 不守 城時侍郎 州 後 知縣 得君書遣總兵恆與會熙宇規安慶擁 扼 哉卽 人心盆 桐 禍 禍 宮 廬 及武 城 及江寍 將而躬率 河南 州 則舒廬之聲威壯 呂 國勳出示聽民遷徙前 公賢基 昌 夫前之移治 解君爭 北 小 鎮 山東 孤 江 亦 軍進 揚 不 不守禍 州 能得而熙宇恆興復棄 西 團練大 討 廬 畿輔之地 此明驗 州 不 及安慶而 呂 公自 然 已 更 賊 非計矣今誠 也 臣駐 今版 將 乘 數令皆無 恐 勢 安 桐 一度又 關不 并受 據安 城 帥 城 寍 能 慶

軍 安慶 慶 縣令成 走 陷 君 獨身走 膦 舒 城 能 攻階 及桐 殺 城 說 不 可 數 提 漏 陷 至 舒潛 湖北 督 廬 太幷進分寇 千人 **参將慶麟集** 閉 周瑜城接絕姦民夜搆賊襲殺之年三十 攻舒城 州 君 四 渡河 興張 太 河南乞師報父讐不得四年夏乃與前 元 日寇大 雷寇 伯 先生亦被 君率 而已 而北蔓延千餘 一勢提督持重緩其師六月君 少會提督素定三軍 義勇於霍山時寇麛集廬 至 襲 熙宇恆 勇數百拒諸南門河師 桐城進兵中梅 執唐家灣不 興所統尚千餘 里皆 如君言 至 屈 河 君喜 以俟約 死 潰 寇 州 於 城 獨 因

事 抵 **欲規取安慶叉士** 月 舒廬大營者幾 率 江連 張 桐 殁 於三 一
双
無 忠壯營進攻張君聞忠壯營來走六安 城 聞 亦 桐 四戰皆捷未幾安慶援寇至忠壯 戦 城駐兵青草塥而 河 太湖潛 特 傳 双先是 旨 桐城復陷又二年其弟勇毅 存者其後一 優 民 卹 山直趨 求救切遂奏遣宿遷舉人臧公 年 桐 建專祠合祀其父兄死事者後 副都御史袁公甲三 城以三年十月 一年李忠武公續賓提 桐城寇望 副 都 統 風 多隆 城陷 遁 營將 進克舒 阿公亦 公續宜 迎師 駐兵臨 一民乞 湘軍 城 救 馳

| 勇應之 縱 瑐 戦績尤偉 公奇之稱其詩沈雄 城 殺 飲大醉 平 才夜遁遂復 君年十 橋大敗逆首 賊報父讐也咸豐 君諱復震字心楷號莪園徵君長子徵君戰殁 克 全 城 面皆 有六矣自其少負偉志有奇姿面色 年 外 縣城距君 角都 陳玉成於麻 如 西山寇壘邑東鄉及挂車山各起 渥 十年 杜甫遂檄令募兵號 統 丹赤者殷紫旣痛父死 部將穆圖善 投詩謁曾文正公行 子嶺都統用兵有天授 圍城急守寇 則時時 営 練 張 周

別立 公治 准 勇准勇之名 徽州之 魁黃文金大股上 名 北平捻 軍為中原 團 震 諸軍禦寇 練 人或讒之曾公曾公不聽 訓 園大 於 重 長 而推勇復盛 捷 沙號 自君始君旣受知曾公自領 平寇之 自 石 同治元年曾公 湘勇 犯曾公困那門君 룛 門橋追奔三十里 用乃疏 然初李公之募兵皖北不 克績溪 縣 徽郡 時 將帥 薦李公率師東 以 叉大 祁 准 一從攻 捷 抵皆 扼 南 屯溪 那 風 徽 氣 門櫸 湖 剛 営 勁 南

軍 削 猢 克追寇至遂安開化馬金 怒曾公不當用人言戒我乃不 在 **嶺截寇於紫溪麻車埠從攻** 鎮常為諸軍選鋒其在 軍統將黃少春約 調 帥寇 利寇 餘 外寇壘甫克積 君 杭會合楚軍二 赴 卻 浙江大營遂往 目汪海洋等乘勝撲橋 一十十 拔 出落水敗卒 期會 溪即馳援 孔 「剿及期君先至 湖 餘營造浮橋圍攻寇壘會 浙 靈大軍 州旣 無算名大 江 餘 一改為 祁門 我 君 克追寇至 杭 知也會左公率兵征 未 楚軍 比戰皆 偏 耐 旬 集 振其在坊 師 扼橋: 皖勇扼守 中 匹馬先出 連舉一 鉛 捷餘杭 山 戦 縣 縣 殪 與 旣

廣 軍 國 總 皆 自遺曾公李公旣平巨亂念海 卽蓍 職 造 愛 出奇兵斬獲甚眾及黃軍至而寇 督 諸弟甚至性能飲酒往往至於 此 火輪兵船為自强之策 格 尉 遂 於 類也左公嘗奏其血性 兵法及凡槍 滅賊迨捻逆平年逾三十始歸娶君 委君管帶操江輪 例 世職積功至 有 加總兵隨 **礮測量沙線諸端** 左公 副 將 船 剿捻逆於陝西 左公以君 過人膽 君旣受 制 疆 日 大 日盆 已潰退其驍勇善 可於是李公任 識 任 醉 已而李公移 好學知書奏 多事 泣 堅 則益研究 定 君自 事母 先是君 軱 歌 初

閉卒請 舉 隸 始 是李公念君積勞外且與淮軍及海上 其 簢 且. 一合疏馮君沈毅有為足任海疆專閻光緒三 昶 園詩鈔四卷又嘗從寇中攜父殘稿逃 也不可不見於紀載乃奏請優 授廣東陽江鎮 調君巡北洋時曾公為兩江 湘陰 日徵君烈士不資翼翮甘心喪元陽江 自以儒 傳十一 左公序而刊之為馬徵君遺集六卷子 家子遭際時 總兵而 君 前卒 總督仍令君往來 卹幷付史館立傳 數 悍卒猶不能 |兵船君皆為 月年三十 出 展轉 繼 年 出卒

程公諱學敢字方忠家世為農少不羈負奇落拓粤寇 盡以相付旋卽隕世吁可悲矣 戰突圍至此迫者卽至矣吾所將皆精兵當入營助守 應未及期夜率干餘眾叩靖毅壁門呼日今事發與寇 犯安慶破廬州全家陷寇中才氣橫出羣寇憚之屈其 忠烈公傳弟百二十 光緒元年還里迎毋臨別發篋中所為詩一 成豐十 建樹不自得也生有異秉能日作萬字與余爲兄弟 公國荃及靖毅公貞幹新軍至安慶合圍公潛約內 年曾文正公奉 命督楚軍討賊其弟忠 夜寫畢

譲與之 往 **待之甲於諸將安慶之克公功爲多上** 追寇不及遂馳還盡殺其妻子由是曾公嘉其忠勇優 規金陵且倚公辦賊文正以淮軍新立無健將用大 元年春文正奏薦李文忠公率湘軍將及新募舒 兵付五六萬不能戰結英法二 赴之倉猝招募堅請以公從時忠襄亦還湘增募軍 不守寇攻敗外國軍進圍松江李公軍新至諸將多 去亦一 釋兵軍中大驚疑報靖毅靖毅下令開門納其眾 親送之登舟拊其背日江南人譽張國樑 で再トー 國樑也行聞君克蘇州矣勉之是時江 一國軍復青浦嘉定 一海來乞師 1 1 11 同 桐

登公開壁突擊亦踐而出寇駭卻李公自將來救前後 賜號勃勇巴圖魯擢副將秋七月會美將華爾克青 新 敗寇移屯 勢寇大奔斬首捕虜甚眾松江圍解始 軍速戰意輕之至是皆自失上海湘淮軍由此 大敵 戰也行至漕河徑卒遇寇敗之遂據虹橋連日三 記 新經馳入壘與守將幷力禦寇大敗之於七 **名總兵從李公破譚紹洸於四江口** 泗涇寇夜圍之數十重礮擊寇尸平壕踐 獨公所領干人為勁旅李公檄公屯虹橋 加 提督衝公起虹橋至四江口連三大捷 外 摘 國軍 斬萬 極 振 浦 餘

數千人餘寇南北竄皆阻水殲馬戈登見其戰謂程某 諸 克太倉進攻崑山言於李公日崑山三面阻水獨 促通蘇 公已前覺其詐整軍至遂殿而退越七日會英將戈登 用少擊眾李公於是增公軍至三千人使進規蘇州 太倉太倉寇乞降李公弟鶴章將入城受降及門伏 一贼固不假人助力補南贛鎮總兵以提督記名李公 復東是夕城寇西走我兵追之與進義軍夾擊生 軍急攻城潛以偏師繞而西襲進義四寇壘半居守 [吳江夏六月統水陸十三軍進屯九里溯距寇堅 州進義居隄中先奪進義寇壘城必舉計定誡 四

餘里城內穴地為屋避礮外憑水築石壘十有九糧 之遂克吳江震澤秋七月進軍通蘇州李公自上海來 視師是時我軍圍蘇州合水陸軍士六千餘 壘花涇港同里鎮各十餘里公自率軍破花涇乘夜 同里移師薄城守寇不敢戰開城乞降援寇至皆擊卻 一城下示安橋乘夜築營壘橋左右天明壘成公往 足支數歲八月寇見我軍圍益逼糾眾一 而堅四周阻水寇增築長城南自盤門北至婁門 我軍吃不動相持移時寇氣衰揮 戰時李公鹤章已克江陰戈登亦率常勝軍 《傳十二 軍大進寇 萬突出

陵蘇 敵 攻 達 也 橋 屯 諸 於 其 湯 Ĭ. 忽 跨 將皆 勝 酮 會集於是公謂東南 四 將 我 公 **江**寇堅守 塘詣公議進兵策公約期水陸 五 軍 嘗 勢 盤 收 軍 里 善遂 屯 百行 相 門 軍 日 出 作 連 五 汞 軍無 安 炊 龍 以 是 公下 橋 而 時城中 臤 湖 便 寶 出 婁門路 他 之 営 蕗 令 湖 官塘之 Ž 太 嚴 寇 叉 陣 橋 斷屯 向 堅 煉 湖 水 斷 追 會 待 剿 寶 則 通 經 實帶 自 至 此 個日 寇 浙 全 環 諸 公亦 盤 賊 橋 萬 皆奪 矣 忽 門 今 婁 蘇 軍 而 者 合 城 門葑 城之 葑 尋 至 我 攻 利 取 F 路 李 鎖 軍 至 圍 日 黄 晡 斷 金

請 偽 聞 | 糜軍 誅 納 風 城 援金陵畱死黨譚紹洸守禦 八寇酋不肯解兵擁 徑 紹光為效雲官遂 死守是自樹敵不可公争不 戦 都 出李公急起挽公手日 陽許諾語雲官等且 餉 雲官等 敗乞降其心故未 與吾軍 小傅二 以定 鼠李 分 因 城 副 公 殺 將 而處變 眾號十萬八人 日殺已降 紹洸夜開齊 鄭國魁 服 日 今釋 出調 徐之 謀 肘掖吾屬無遺 能 而諸寇爭 反正公單騎 吾今聽若 首惡不 得怒日 巡撫遂 不祥且 門降公入 分領之 令常 寇多 還白李 權 殺聽其 相 嘉寇 猜貳 謀 類 見之 语

至諭 逆黨驚擾 伊起 降為大禁戈登至 到 時 眾 海 鄭 八人人 事笑 殺二 李公勞苦 國魁恨負 、驚愕格 語甚 干人 反 殺八 側 良久去 、約佛 已伏 而定 鬭 欲 死先 明 將 勒 嘉興是時忠 兵相 垃 降 誅 日八八 眾 餘 前 是 州 不 食 攻 稗 軍 逾 臥 問若等毋動動 時 襄 威 **分別遣散遂** 陳 觴 日外 圍 此八人 金陵 斷 解 國法 而

而竟 萬眾 復 數 城 何安泰郭興發公憤甚 日臺 護 出 初 圍 卒 成職壞城垣十餘 彈傷額 月牆 攻嘉與數 知 到上 曾公卒 同治三年三月 令已 忠烈 軍士皆 仍堅 |海見外國兵械利究心 軍不 從李 祀昭 月 一坐不退士 持 不 下公 忠 時 彭排縛草 公 突出搏戰 就 丈寇 也 洞 職未嘗 安废 得年三十 至 功 乃大 輒堵 乘陰 ൬ 蘇 先 提 膝 奮遂 敗 登中槍 督 州 禦復完 雨 夜 Ŋ 嘉 五. 張 克嘉興 築 築 興 事 王 敗善 陣亡 且避 浮 子 良 傷 亦 聞 建

起諸將戰失利李公歎 復金獎追 公戰時大旗二 降將議 淮 在 動嗣 公挾以攻戰起太倉訖蘇州與戈登交推互 所得世職為三等男爵一 軍用西域槍礮由此起李公以外國將 如此初克蘇 紋前功贈三等輕車 論中乖及公死戈登獨歎息推爲名將求 蘇州戮降將事王氏湘軍志以公先斬之乃 詔以員外 持歸為表記其後公殁三十年日本 州 郞 日程方忠若在豈至是乎其遺 用兼襲男爵 賞黃馬硅給雲 子前陷寇中死安慶族 都尉光緒三 騎尉世職 騎蹇 一年李公奏 服 難

授 公諱奎炯字昭甫一字子明號憬嵒道光二 圖 同 乎今據吳先生所 李公李公大驚懼頗咎其 碩德之 田 終 洞 知方臨江金鄖陽傳弟 遷 達 亦醸 四 有大度方深倚 文 、縣令調隆德高臺丁 至中與平粤亂而公乃以武功顯 打箭鑪 亂此事特公本謀 肅總督鄧公廷楨 撰碑文正之吾邑自 同 知卒於官公有吏能宅 公 何有 輕發余 百二十 然 未 憂歸服芯 有 謂 相 啟 酋 明以來 改陜 勢 而 逼 軏 使 西 制 帥 專 進

立大言 德令隆德令入總督盛 報 秱 悅 慰勞甚至 政總督初以公書生敢為民爭慮梗令及聞事竣 始 沙漠之 公今兼馬坐令 今日空文郎 數 科 議獎罰甚重隴右數千里 督 西涼之 地 怒日必 巴 事集得畝逾二 國家本 而本道 他 夷 年實 實 裸生 嚴 不資 氣待之 報 公以情告總 賦 \overline{H} 榖 (以為富 萬僚友皆慶公日 乃二 不然吾有白 怨)日皇 他日必悔某為公計 十 一民情 畝也 也 沉差 取 督變色 所啗者苦蕎 詣省 徭車馬 洶 簡從事公 而敢匿 爠 隆德 亟召 制 吾 何 也

聞 公介以嘉穀賦苦蕎某以為二十而 命總 居若 |實告公隆德地固未嘗 卽 隆 地 一德令日子言是 趨 可指墾奪民之所以存活者 國 督 以 别 是 賢者也雖怒不息道府人人爲言 所存活者 私 器賞 期之嘗出武 爲 墾即苦 册增 時大 畝五 也 蕎 而報之 雖然 亦 吏自林文忠公及唐子方 關道楚謁 無所出今徒 加墾貧瘠之 必增畝 耳非能 洲共 冒功賞令有 取 加 毋 胡文忠公黃 慮官 民 阻吾事公應 也 民猶 無以 卽 欲 五. 為生 四 死不 不堪 加 實 是 畝 日 命 敢

聞之 食 鏣 万公諱 光緒 也時全蜀不荒而飢穀 置 也馬有不佳 擾 四遠 則生 亂 酒 錫慶 曆 帳 九年進士 至 循 一我矣於 東吾 中 而至俄 飽 則搏擊豪强置重典大 初名 皆驚喜 Ī 酒 問 酣 因 是 知汝 舉 被 部 /笑舉 觥 疾遽卒 相 相 郎中 謂官 率 也亦夸彼 相 聽 觥 屬 價 騰 權 自 約法蠻酋 民皇皇 日唐子方識汝乎彼夸 旭 慶 || | | | | | | | 如 踊 一章 發倉 盡 此欲死我 數倍茶 日子會 生 催 如 署 失所親 孤危求見茶 栗番漢 而 鹽 別其 試 四 義俠之 同考 則死我 利 子七 提學 所 體 紃 欲 前 取

金陵 河 以置義田旌於 成以私 為時久惠 母至億萬及後土寇 練費民不知擾權松江府再至太倉 隄堰開支流教民種木棉久之成俗咸豐 宣宗正成罪有 大軍屯聚公前已告歸大吏招之出令募財助軍 沭陽十年矣至則富民程氏輸萬金初公去沭 屬不應成爭之强公怒批其 通州擢 利事尤眾懲社倉常平久弊以錢貿 朝公始任中城兵馬司指揮太監 知太倉州皆有績 陷 詔 優敘改知江蘇 海嘉定七城太倉 承亂後霆雨災 頰 而前後兩任太 **冰陽縣築六塘** 巡城御史以 取錢 中粤寇據 一穀權 聞

巡 事 巡 文正公具疏 撫李公請 是 滅 是時 乃已 撫 翎 蘇 巡 用 蘇常 道員用 撫 又請 馮 新章錢 怒 公 諸 桂芬條 郡浮糧 滅 將 乘 兩 瘠區 以撓 漕 授 郡 足 亂 陜 供 并征公以 猶 æ` 固請 陷寇 盡 重 國 聞 西 田 民 覈 計奏劾 甚 賦 鳳 具於 云 翔府 减 困 緩 詔 四 於積 科 滅蘇 諸 與 征 總督李文忠公不 蘇 葬改江 則未定 是李公 郡 石 而 浮糧 屬邑 弊六百 用前守松 松糧道 難脆 悅 採 西 待 年公 賦 疲民 臨 郭 算 公嵩 報述 議 江 衰 權 之 與 引 且 功 總 賊 署 疾 災 援 松 歸 田

有置產公費存諸董事所莫肯出翁陰令人 公娶李氏婦翁諱玉書號逸愚以孝友任 難事屢費數千萬金 藕食之立盡用助振功議敘縣丞樅陽白鶴峯書院 争控翁力持之定案其後洲 悉倚辦公益環宅圩池種蓮數十頃歲饑縱餓者 濟變多類 諸董事因皆不 舉人世虬字幼農訟之至斥資私產卒得 為令在家服 此崇文洲為全縣教育資產嘉慶時 得乾沒膏火以充其急公晦名 御簡素增置義田義塾及振 謂其富而 張而息課不增 能 施 恤為行前後 卒年六 控己 遂

積 金公諱達字斗生年十六補縣學生以 焉 育 院 馬 洲 特請 元有? 息倍收修先志也曾孫德膏亦舉 其 衝 災 軍勞由兵部主事改外 昶 流時虞崩圯建 振 名 日四四 鄉 鄖 併 科 陽 ベビチー 民 增 僻 惟農至勤苦末 處 雜 山 稅 啝 石 例舉 É 於 健繕治 明以 田畝 授 湖北 徒 來士 作 郡 取 鄖 利倍蓰於農言 城衙署 一罕登 民欣欣 陽 助振議 府成 文行高潔於教 切便誅求耳 進因興復 工役並 刊石 大漫 敘 作 紀 城 國 德 導 利 用 坦

姊 附郭 柏堂先生傳弟百二十二 也 本計哉鄖陽振 而斂重農益困田益蕪食者民之天困農是自斲 子寶彝字鞠常以副貢生官刑部 子澤 護子松卽先生父也世有行誼)隆德不為禍始松江乘閒袪弊二方公之惓惓 一諱宗誠字存之號柏堂高祖諱孟晙以儒學教 古塘先生少時家貧獨自有偉志日 為姚 郎中師次子源嘗徒行千里視兄疾 災興學亦可 謂能舉其職者也松 號清門由魯谼 督捕司郎中 取買太 為余 遷 源 江

傅 疏 巡撫嚴 後 起 魯生所得其書貽書 廢 至 儒 IE 人才以効 無 及 胡 一錄要 家之 所讓 講習箸俟命 唐宋名篇誦讀茅屋中邑 己立身 文忠二公皆 言發為古文辭粤寇 樹森應 以 屈 進 用當 所 始 由 受 録以究 世霍 學許玉肇 **弭變省** 經 聞 詔 筵 先 聲 要 陳言先生在幕草 川 (致大 天時人 生 禮聘 吳 要歸 繼 竹 旣 未 學士文端公倭 出 事 如 先達耆宿皆願與游 起 事 侍 族 往 於 交 天 侍 致亂之 郎布政山東 植 兄 穆宗 郞 儀 綱常 奏所 亂避 衞 譽望盆 原與夫 登 明正 **偏**寬宋 居絕 舉 極 學 砌 為 從 盡 河 師 興 谼

移督 十年舉孝子悌弟節婦孝女設鄉塾創與敬義書院 賢 漢儒董仲舒又釐正 儲穀 直隸奏薦爲棗强令曾公去李文忠公繼爲總 設施者李公亦破常格所請率施行常稱深 (才為時傳誦曾交正公來安慶召修兩江忠義 ·皆然不以區域自限遇 縣其謀慮皆宏遠大計自其幼時然及在官 不避忌嫌又再請李公奏免天下錢糧積欠先 萬石事無不舉值歲饑陳災手書徑達旁逮 一平交不待以屬東每行縣輒避棗强先生 |祀典刻邑先正遺箸修志乘建 諸公貴 人必侃 侃為

堂 旣 展 卷他所撰 디디 集 卿 後為廣 强方令以諷 街 十二 徽 賢 歸 理 學使侍郎貴恆公上言 徒眾 道 祠 旌老 卷俟命錄 修髯洪 西布 墓 於 衡 編 尤 解達 政使 學是年卒箸 盛 厲 列縣 聲 彭 東 何數 者 人有片 志 剛直 南 游牧者 學錄讀 欽 也 府 其 先 使 諸 招 種子守彝守敦皆能 風采光緒十 厲 先生學行得 經 游 新化游智 筆記 善 說 精於學箸 石鐘匡廬嘗 | 獎譽之 都 至皆謝 講義 開子 三年年 合三 三卷 述 鼓立 就 旨

Í

尚 翮 其後吳摯父先生 能信 꼐 **叉同寓皖城嘗刻其上** 過論文史奢虛 自 代遺書皖中大府聘治章奏門庭寂整 少與先生同學能詩古文及令何南有名 好余兄弟 日本學師 樣衞墓在 學館大學 孫時簡以 反舍 自 範歸新 縣 百白室 日本 所刊雜誌當引先祖學說 學 而外求可愧 一世自己 集 野知 生 歸言日本人有專治 山憶童時余 入日本高等工學嘗 縣 明善先生以下 卷 方君諱昌翰宇 也時簡變生 避 異 柏

吳先生諱汝綸字摯父風儀高簡峨然不羣自其幼 去先生以 、摯父蕭敬字二先生傳弟百二十 棄鄙俗學欲畢覽百家之書不言性理 云者人人習為口語嘗端居私念惟先 而 世安得如先生者使儒無寡用之 一來謁墓遂 友天至也 西銘人自不讀以為新說則羣競馬此 世變日大諸新學說先生皆不及見而有所 此 / 里 -見譽因從受學今四十餘年 同治四年進士用內閣 與先子夜 譚其昶 前 其事親 生 側深 愧德業 足當之 待 國

畝 奇其文奏調改外畱幕府學盆宏肆補直隸 其更推為大師會以憂去豪民至交通 外 劾奏還其田 內 商旅 /勢籍深州 冠 入書院資膏火眾一 矜龍與夫 會書院議所施為興革 艱 服除 輔 時時求其士之賢有文者禮 又開冀衡六十里之渠洩積水於滏以 及莅冀州仍銳意與學深冀二 諸村已廢學田爲豪民侵奪者 署 天津 齪 府補冀州其治以教育為先 州 於民便不 縣高材生 先之 是得簡仿聲 便率不 一親教課之 御史以壤 压 得 深州 州文 依常格 許 民忘 教 比 溉 餘

家之書丹黃不去手其治經由 **叉者天地之至精至粹吾國所獨優語其實** 張院長者張故以文學與先生爲深友兩家弟 **裕釗將返鄂會先生以公事自冀州至李公問**誰 具牘借針清苑印 不樂人宦其所事大吏曾公後為李文忠公皆 有要政必與謀議草奏保定蓮池院長武 漫應 周泰古籍太史公揚 督署 平事十 如某何 一种院長 稱疾乞休李公覽贖大驚明 如李公日安所得師如二君 拜謁矣先生刻苦厲學其好 班韓 訓詁 柳 以求通 逮 E 近 文解 世姚 者 張

將革 新 百 業 新之 本攷 會 就嘗樂與西士 勍 奏薦 與 爲 元 洪 英 斌 使 朝 先生 制 臣交 肩横 所在欲全濟 旨 採西法 既至 醴 格 (関先 接 敗 肱 加 致 《款求請》 日本 遊 不 坐 機 五. 開大 立不 디 械 मा 而 卿 之 復 日本之慕文章者亦 銜總 自 用必 **《學堂於京師管學大** 俯 用 題 開 其 詠 故 屈 教務 也舊 勤 國 取 通 更 育才自 資 番 勤 遂 君 法完 固 相 於彼 踵 導誘後 解 及教育 至 E 不 得 其長 踔 獲 國 名 必 則 海 猶

督之 也 堂 箋 **丁人爲教** 等易 四 卷東遊 鄉各立 卷 與 穆字 文集 辧 說 邈以疾卒年六十四 泣 員他 **蜚語** 本邑 110 受 卷 一小學工 叢 敬 四 即邑所 卷詩集 寫 小學 甫 錄 都 定 四 改 入尚書一 卷 初立者 堂 先生盆 塾中 子 挾 在 敬 卷尺順· 多有 日本教 誾 学縣學 後數 浩然 生 卷 爲中學 能 桐 尚書故三 七卷深 城學 生 世其 年 師 求 游縣 流宿學必 世 學 學 中 風 H 為農 卷夏 同至 返 凝自 本 設 國 風 先 小 规 至 師 制 範

致 野說書 墨 隨 之 會 所 **必遠出伫巭** 亂 無 所 史 輒 筱 ノヽ 書 手 博綜羣籍喜掌 離 諸 悉 多方之 他 中 出 未 口 方 八人之 館 有 書 賈 上海三 機遂 能 勸 乃去接後 尤 學 書 刻 知 是 熟復多 者 所 盆 大 一十年交 一十年交遊 故 校 酮 EPI 意 聞 師 上 事 郷 舊 必 識 嘉 所 邦 百 益 與錢警石 勖 槧 偏 文 附篤於 異本 卿 徐騎 其異 經史 開 治 川 同

馬其昶曰吾縣文章之傳自方姚後吳先生極其盛 力者其刊其遺文為敬孚類棄十六卷 當求冠蕭先生為先子舊交又風蒙器賞嘗 記價 悉當歸子今吾書成而皆已不見悲夫茫茫終古 過海峯以其經學深所致力皆周秦書 城文 先 腐拘没後藏書散軼人爭傳實書賈至 售 一始其昶從游 傳索觀之余以 **徵桐城耆舊傳狀碑誌彙鈔** 再十 久 光 緒 一 少作慚 一十年 不出念後文事或 寫 客保定先生 目 一盗其 也而新 相示謂 出其 收 知有

				二先生事法然久之	
					1 11.4

作事十二三段	張夫人傳弟八	姚太夫人傳弟七	孫恭人傳弟六	姚清芬閝傳弟五	張夫人傳弟四	方孝婦傳弟三	方貞女傳弟二	四陶吳李高吳錢節烈傳第一	邑後學用	桐城耆舊傳卷十二月錄
									後學馬其昶通伯誤	

		先毋家傳弟十三	戴烈婦傳弟十二	胡節母傳弟十一	馬節母傳弟十	錢戴周章蔣五烈婦傳弟九	
							-

纔 四 氏 嫁哭 陶 節 令 歳 年 李高 陳 後 Ŧ 一我豈 氏其 勉 亮 節 隃 舉 終繼 繼 景泰 能 聞 忍 錢 妾 甫 夫 餉 脂 亦早 卒 詔 **吳氏**二 兩世 旌 家 四 抱 貧 卒 华 走 傅 鏞 (舅) 代 羞 鄉 家盆 妻 四 弟 試 乎妾亦 占皆 貧負 業於 餘 更 氏 稱 被 嫁 戍 無 华 日 里 太 四 子家貧 負 死 桐 學 節 邊 嫁 婦 城 遂 未 愣 间 里)共辟 甚 幾 守 卽 婦 節 傳 飢 叉 卒 死

迷 其 助 而 哀事有 文學妻 棟 死 父 母將 貧 忍 稍 **听左臂者** 因 張 不仁 死事 咽 一等在 氏棟 髮 以婦 烈婦進 氏 何 文 往 節 死 死無子烈婦 三家人奪斧 酸 Ų 則 餉 戸出投於水水 不義勢不 哭 烈婦哀哭父道 輟泣 則 自 抑 恆 1經於 能存 吾 問 丽 人事也余 坐之 之 父 床 累 美諭 蓐 冰以 舅姑 毋 日 其 閒 救之奮身 可去吾 2 瞶 |觸穴 孝 從 悶 無 伊 死 為 過 起 蓝 肵

語 堅 溢 能全母 邪 金答言 能遠負 贼 婦 遂 教 抗 者 奄 者 顧 黄 我 無有賊令 而寡明末 粒 姚 至 不食越 華 俱 孫 氏 死 反 絕 父 死無為也命之 林 湘 氏 父 格 糍 解衣驗之 嗣 潭前有傳適 關 流 田 開先 城 凤 E 乎 死 夜勤女工 死 德 過 卽 縣攜 望 推 妻也 馬田 負 之墜 去子泣 母 裕 何 以 逃 依 通 | 那忍 崖 易食客 書 烈 史 母 史明末 及 須 去 兄 奴 日 過 臾 怒 汝 孫 贼 林 德

馬其昶日 餜 余讀明 吳 及 貞女傳弟 委巷之女子 賊至抱女赴水死田 絕句詩二章付長子法 取諸簪珥與先生遊者未嘗知其貧也後先生 亦 烈婦掣子女追尋得之 辺 偶及之 川貞父為蜀藩斷事已見前傳 別 出之以 所述節烈共十 非外 國史傳其名 觀示鄉 此 遂無有也古今紀述之體 閒先生已 **旭自密紉衣帶韈履備** 民所 已而吳中 人皆見明史當其生 見前 風 傳 **厲世也** 亦亂知 其載

受 者 病 四 年真, 矣 能 盛 隳 媒 歸 歿 卽 聘 女 短 起 何 矣遑 (請臨 扶 報 經 則 像十二十 丛 生 大 非 女 而 勞 喪 許 氏 婦 起 四 徐請 貞 盛 川官 何 孺 見 亦 廟 徴 氏 何 受 解諧 非婦 盛 受米 含 斬衰詣 則婦 姑 聘 团 미 責 幣 何 受 以 願 則 終箕 寢 孺 聘 命 從 此 有笄 徴女 名 則 固 盛 待 明年 香 而 笄有 泣 補 年之 終 獻 氏 婦 婦 鄭 獨 斷 藉 婦 職 也 事 孺 履 女 道 日 矣盛 也 能 之 難 鄭 伏 廟 何

辨今觀貞女自請臨喪豈不名正堂堂哉守義盛氏 貞女褔璞不 馬其昶 **公宮變而得其正也方氏之** 出牖年六十八 里俊慕其賢以私探其伯兄懋懋日 咸高其節義將卒飛鳥數百翔鳴屋 璞若能使之為水 歸自是貞女與母同寢處二十餘年舅姑 日歸熙甫氏箸論謂女子不當以身許人其 洋以終嗚乎賢己 乎焉人及後貞女達獨居一 一初斷事死官孺 極室中隱隱 南山有玉堅貞 喪 派衰毋 一室家 八誓 終 辭 箾

即 婦奉 老 省 逸 食 明 婦 母家 念 期 順 盛 訶 煽 惟孝婦及其娣 擊背仆 賢 孝 譴 來詰朝 婦 之 隨 母也養二 不 郥 復 性 舅 至 汝 嚴 身 亦急 病 謙 地 使之 復 溪 有 從 百 在 漲 頃蘇 奖 役 因 姊 操七 貧 脖子五 氏 又 肿 諸 養 舅 則 避 미 方 奢 渡 儢 獨 H 呼酒 姑 皆 俊 娇 乃乞父以 復 躬 未 飯 入廚 歡 有 在 子 娶仲 婦 舅 其 舅妨 他 紡績 炊 氼 嫡 年 巨 第 浙 則 記 母 市 快 就 舅 矣 怒 歿 婦 里 婦 恆

張 Z 思 明 善 變重以 故 先 昶 服 自言 生嘗宴居侍側 傳 7韓温 「矯之 妻於夫婦於男 斯衰舅姑 弟 傳十 四 式字 耳 期服為三 及觀孝婦恩養之 亦斬衰吾初考禮 耀 從容問 | 年未嘗不即乎人心之 姑背以人合實皆 刷 . 畴昔事即淚下若有 圖 篤 適 如此 倮 制謂後 四 忠節 神 乃 公 欲 知 所 性 廷 性 尉 肵

鄉 戰 戰或報公亡 謂 無 水 圍 公崇禎 齊 **公無固志叱之** 死 子廣置媵妾 而家 則泣 南 聞 調。 同 是矣 走 、語公夫子之 事しこ 贈 死 年 領之 陳 事急請行夫 隨 退明年 舉三 品 遂 吾 是 復 兵 同赴 一子篤愛如己出公為山 叱 八與祭 ·畿輔四十 正 死 一汝主 生 獨 戒侍婢事急 明湖 朔二 惟官守妾之死生 世. 汝當 壇 是何言也吾 箸 日城 棄城 死 城遂 保持 苟 蘭閣 陷公擐甲 則推我 免 感 自 孤 德 幼 者 去 東布 前 殉 惟 歸 嗣 巷 政

姚清 矣 方氏累代 暇 為 氏 伯 而 諽 分 寡 廷 弟 維 生臣視官守為死 因請 尉 著忠貞之 文 如 儀字 邪 耀 志 五 弟 仲 集 旆 長 守 節 漸漬 志清芬 尉 昭 生卓哉 集古今女 清 仲 旣 女, 閤 博 弟 至 姪 於 高才 士 貞烈 進 語干 女子 見無 之 載之 亦 為 浟 姚 也

致病 夏 亦 先姑恭 劇嬴 志 辜 何恨 猶 馬嘗箸 ·汝少 明達 不能 乳哺之 形 臥 專一二 趣 舅芳麓公伯子也 ||憐事業 雞 貞靜之 俯育妻子諸弟皆潁秀克肩 牀 諡述 依 尚 剕 娠六月難徵男子念將示訣 聞百徹廣 也 女必不負 忍離 75 瓦 篇其辭 躬湯 歎 解耳吾不 先 獵經史以苦 日 姑 樂廢寢 天 我 乎 而沈靜穎 久居 [姚夫 靡 喪 刻移榻於室 食 無 讀 憂心 日 矣生 剱讀 成 父毋有 疾 問 能 餘 汝 益 寅

弟述之夫子賢聖而妻述之古之人有行之者黔婁 遺 有命聖賢莫度世子殀折伯牛斯疾顔子大賢 良隱子按此諡法深協生平豈敢俘慕哲媛忘招譏責 下惠之妻是也陋規淺見竊踵陳迹以述其志請 失今余搜笥中才存數首嗟嗟夫子温謙和恭才思 樗櫟多壽芝草無年皆天也非人之所能爲也蓋 湧若天假以年豈不 世速於今綱紀相續倫常交振或父兄賢聖而 **青長哭弔日吾門去此兒者損** 釋卷作詩數百首祖翁似葵公持去閱選竟坐 4一二 恢恢平偉人文士哉嗚呼死 英才也夫子 発促 柳 短

碑直 而余之 對 喘 泉臺而得灑乎余之 之 玩 頭即 紋 |暮溘露事因義起諡以墓遲或亦未亡人之腔 列女 爾 憐 微 爄 生 卽 餘 **視苓朮所謂琴瑟友之** 一附於一 為之 子善病已六年 既景仰先賢諡吾前甫夫子矣更預作 傳彌堅從 死且不朽又箸未亡 躬扶起居侍湯 坯之 臥地數 兩門碩人 之 容 規 月頭不安枕至九日 日萬曆辛丑秋仲余年 顏 藥 **示 訣**幾三十 者 憔悴稜稜柴骨余 人微生述一 文獻多矣其勿余 絕 蛟 無 蜖 搌 豫 痰唾左 日 明年 篇其辭 血

命 撫 搶 姑宦海澄以余侍祖翁姑 袓 有 姑春秋 九 欲絕乃有言以見志日翁姑在七閩 呼天 月而 開 早世余撫其諸英訓誨成立完其婚嫁必 細壬浮浪之言使兩家 此 高矣亦不 叉 心 如 而莫之應也遺腹存身未敢殉死不意生 《傳十二 Ilt 皎 殂天乎天乎 無凍筱顛沛之 復何求 日月於是 暇 泰 纖悉 復歸父 膝 山其可 顧 脈 蹶弟妻吳宜 相閒兹 1 朝暮 復 不 衣食 母家稍延殘喘 畱 頹此志不 時也憂心 奉 形 夫 順未 單 人愉 何倚 婿 敢 罔 可 別 如焚 惋 所 劂 爾 秋 時 禮 叨 重 同

弟議 恩款 中忽夜夢夫 因 讀涉 子逝 不敢 撥 也長 如 邪合卜地於古魯王 **日長嫂甘節清苦二** 矣 此 輕舉甲子孟春我 租膳余噫余受此 餘年之前定兆十餘年之後神其來 以無拂 如雨哀憐子息卽許遷葬修墓此時余力 / 再十二 子相語如平生余甚驚異語具紀夢篇 塚荒凉湮没秋草擬欲結墓同穴此意未 婣親敢 雨門之 不恭 租豈 歌心凡余所為極難耳又念 墩 敬 **翁即世夫弟心甫純甫** 和睦 卯山 餘年我兄弟應有以 忍自奉而負夫子夢 酉向十 幼僕從忍不 月而墓成 養 慰 同 諭

稿 嫅 永 卒専 槁 歸 彙 呼 安 解 萬 平 為 矣 容 物 清芬閣集 洞奉 因 近 飕颼之 有託 守志七 孟 陳其 盆 撫松 一朽氣 貞曜 **|撫公配宮諭應賓女** 祀 顏 清 余 厄 十六而寡毒亦 廷 七 獨 力 風皓皓之 日 陋 一个之 卷載 無依 於 尉 日盆 年 有無 弟 石 一微不 執筆 大家箸有楚 **永鬱交集涕** 君節女 明史藝文志 明月 松 人當從夫子於地 凄 苦 不 閣 譚 也 集 固無時不在兹 維 初清 師事清芬 有 川歸 四吳淑 泗 朱檢討明詩 知所云年 江吟歸來歎諸 芬 霑帷自 諸生 閥 諍 前 4 山 下 也 而

室 甚美年三十早卒其姊諱令則適諸生何應瓊有環 同 述 其昶日余讀後漢曹大家傳歎其亮節 閣 推 集 、方氏諱子耀父巡撫公有傳少失母育於仲姑 清芬 畫皆 千古女師清芬徽美豈遽讓哉遇有榮悴貞 一擬諡二 傳弟六 好談兵握節監楊公文懸軍事 酷肖年十七歸孫武公臨是時天下大 閣 號稱女師恭 一篇可以怨矣 人受學久習禮能文以至 紹興兵潰 明白屬文 亂 孵 清 珠 爾

公 與恭 隨 亂 閒 楊 家 中 公急 逍 此 引 得達 出之 資送 訣 相失久之 衙 一個之 歸 茅 吾義 淑 霞關至浦 里 死 淑 保 至 古 隨 餓 逑 孤 不 一燕湖 鼠 田令 可 田 一步姜 獨生 也 日 馬 縣其長子 周 聞 亦 馳 城 卽 兩 有老 與 為 舟錯 去 公 鄰 不 璋. 死 舟鄉音詢之 死 少楚 侍太 偕 之 闻 親 菾. 幼子 恭 兵猝 迴 焷 在 簱 汝 則 性 其 持 在 慟 武 縣 投 浙 何

遺命蔣斂遵家禮 馬其昶 苦險阻以竟夫志事安在必以 箸寒香閣 當全之竟挾乳母歸岳於恭人於是恭人教育二子歷 艱苦憂患几三 品讀書卽此 欲教成二子 孫質幾三十人 兩婦亦率余教庶幾有以見汝父地下敦本積德 日余讀恭人訓子說所自述誠有足悲者愿 訓子說三千餘言年七十二卒 ·報忠堯耳今汝二人幸不致衰薄漸成 四 八恭人 十八年 訓世守之富貴有分非予所勛室也乃 乃稱 前二 佛事謂此吾曾祖明善先生 日嗟乎吾之不死以至今日 一子皆學成絕意仕進內外 身殉者之爲當乎恭

姚 訓 易耳能 國 許 及 姚 之 左公故 都 遠 測 子並 世 禍 夫 乃 功 至 未 斒 傳弟 是 直 指 佫 哉 傳 有改不可以俗故致 一時端 鍼大 夫人 左公光 公母也 七 郝 鉞 恪 知 一倪氏 遂 先 書 東 一部以 明 事皆承 弟 疏 大 憂 聞 怒 追 激變 義 僕 於 (無計 吾 朝 公女 膱 違 殺降 指 南 令 歸 當 渡 則 與職 4 後 東 事 職 解 陽 討 阮 姚 方 俱 鋮 亂 贼 柄

則若 矣 詞 馬其昶 知 ൬ 弟時時為左公言不 若 以生 謝當事者於是逮益急 似名義之 邪 父 父若 邪身 平昔讀書胡爲公等涕泣受教逡巡十 死利害移易 死 [觀太夫] **父歸將** 事一 有可託者而太夫人不惑如是是一 . الماء 死等 何顔 此 訓 人之 詞 災 對 謀於吾母幾陷於 得令左公獨 東陽之 慷 會 慨 所難也況以子求 里黨吾知若父心若 大義炳然夫卒遭 獄 王 師南 則 下事 且 左公累若 不義也 汝等以 餘 解其父 解端 日卒 事變 父 風

林 文端 朝 此 紈 傳 綺 餐 貴 公 師 輔 弟 盛 後 問 配 貧 貧家或 相 甚或 姚夫 諸 澣 旅 ൬ 所 濯 由 來 稍 私 婢 躬 魄 後 候 自 豐 將 餽 龍泉學 彌 夫 無慚 問 補 金 千金文端弗受也 謙 翰 綴 五 率 抑 林 博 乎文 金 青練 珠樹 初 則童僕皆 屢 《端笑 膺 至 不 臧 改 故 公女文 衣 衫 獲 居 而 欣 僕 常 卻之 故 數 嵗 茹 入言 相 端 毎 也 初 典 服 無 翰 事

其節已 書房 子皆登 素不 令儀字柔嘉適 頭日 獨父訓也蓋夫 J 好 行 德 此 聖 費以利濟平即製 窗集 蠹窗好辨 祖一日顧左 佛 類如 逡巡起 姚 忽念人家生 湘 (人居京 卷 析 此 園 別墅 古今事拔筆 右 平 應婢大 年六 語 封中 日張廷 師 棉 池榭亭館 例 **人**故賢聲徹宮壼馬女 衣 日 喪 儿 玉兄弟母教之 子文 歌 偶 優 頒 施道路侧 ,賦動逾千言 習 皆胸中邱壑 設宴今旣不 和公嘗 静 室 圖 寒

漏 當 初 婦 戴 謹 用章 朱 可謂 昶 福 以オ 氏 乃 錢 四 攸 永 然妻 烈 婦蔣孝婦傳弟儿 諾 人之 能 德 矜 囚 者矣 街 也 為 調 刲股 傾 其 然 行是敬姜之遺風也 也洪範 詩有含章 姒 藥之 娶二 勿以男 年 茅 毋捷 五 效遂 病革 閣詩 歛 腷 我 朔 我前諾 絕粒 知 鈔閒與 日閉戸沐浴 日 . 攸好德 不起 家 而 謂 文 福 强之 榮 端 顧 媥 過 德 溺 我 而 唱

逾三 烈婦 婦素謹禮必不以死 途 給還取杯遂 塚忽 月聖 起密婦自 起觀者皆感泣為立 这裂數尺 無所庇然有 氏戴聖哲妻 哲 周秉源妻 7 再ト 1 1 既葬眾謂其不 源 / 遂同 自沈 知不 死遺 穴 能 孤 水 也 紊男女之 呱呱在 年二 襁 死乃 家世業農 鄰 褓家 一碑水 人爭赴 7 死 收 生死惟孤久之不能容 別 涙 側號 矣 、謀奪其 救不 彻 我當親負 聖哲卒誓以身 婦事舅姑及夫處 日偕 姑 日 烈婦 能 加 1111 餐言 動姑 志婦泣 女 、妹往浣 塘是 前 泣 動 殉 如 常 妯 姑 固

反 無何子復殤其兄弟及 戸自 夫家言笑 姑 爀 心特養於力 子乞 鈛 八氏章 依 縊 與至 孤 死 大時原如平 权 家自 門 閥數 毎 的數年為乾隆五十一年 做妻也家貧大棒早死婦 破账五十六年三月也年 値 時 幾 陰 夫 姑 雨 居 日 (家謀共 夜 敝 勤 婦 庭立淤 浴 哭 文紅晝 更 分劫之 日吾个不 衣 出 泥 免叔責 年 中類 婦 婦 拜 乘源主 华二 三十二 微聞其事 領無人 饑 十七七 復 叔謀 田 入 種

欧美 列 馬 焰衝 其昶曰近時論教育者率推本 縣 彝自天有生 男女均學校舍林立因傷吾國女子失學已久余 中以貞孝節 面色 伍 逼不 六矣 孝聞嘉慶二十四年所居室不戒 -食男7 加生 蔣廣居妻也年二 1 臥 得 時 同具又禮義廉恥之 能起婦從火中奔站 烈 死 謂失學殆其誣與余略著一二不 婦 旌 者多至 尸倚牆 **+** 四夫卒矢志奉 數千人 女學誠 就 肵 知 於 深入人心 姑 要哉 火 者操家 姑徐 姑 至 黿 願 故 前

股救 江 夏 節 馬 刵 伯 **輝記** 夫 節 母 蔬食 聘爲年上 毋傳弟 病 兵部公於 也 檢 不效誓死殉 氏端恪公女也八凝知聲 (教督二 目 失明 來歸 子日課必復惰必子 藉甚毋 端恪為 為 兩家見 夫 並 眾責以撫孤為 江公有清 奫 科第仕宦多 父執 祈 **不以為喜旣** 福 開 代治家事 一韻能 女賢 體羸善病 杖長子 **人因舉** 為幼子 乃 場母 源號 復 劇 思 先 歳 毋

嫡室賢而早卒文 几章算法六壬數 **灭婦程課甕馅瓶蔬造作之細皆具而經傳史事旁及 丁邑人上其節行得** 卷陸舟吟二卷玉臺新咏一卷其陸舟日記別為 考行益修學益績至於窮達非所宜計也其後菱塘 鳳陽校官母謂此席卑貧可居也寄詩云勿因閒長 册蓋自三十後歲為一 乃雍若姚夫人者庶幾近之 5儉成廉見者傳為至言箸閨鑑三卷凝暉齋集 / 葬上・1 和稱其嚴靜以謂先公言居室之道 術子平星家諸說亦閒見云年逾 旨旌表端恪季女為張文和 一帙記日用言動以逮子 Ĺ

室襲參司業母也司業見前傳母嫁十一 其昶謹按先伯祖通判公家傳小序云易目利女貞 胡飾母傳弟 及韓文懿公疑暉濟集序為節母傳一 區明風烈昭我管彤者多足為後嗣法其昶因據家 教之重也吾家先世懷聞儀著母德如范 毋潘氏兵備副使諱映婁女為石鄰胡公諱彌彈 **父地下者以爾兄弟在也家貧不能延師遣** 兩弟皆襁褓嘗語司業日我所以忍而 則倚閻位而送之踰嶺不見乃返掩 篇以 著其概 年而石 游宗 鄰

當 泣 週 襟 有 老 世據 必 講 儒 復泣 此 此 終 命 使 母命 床 而 身 詣 漬 僕 沈 日 间 拜 誦 問 意 迎 誦 思日若 ヹ 果 嘗 聞 撻 所 可 佳 讀 如 掘 馬 程 敝 之 意 訓 地 歸 邪 朱 司 是 長 意 謟 業 雜 卿 三年 而 千金 大驚 大 美 則 何 爲 何 典 貧 恐 歎 不 良 解 之 遂 盆甚 息 獻之司業 久日 說 取 胝 由 杖 以 起 或 毋 IE 諸 師 呼歸 跪 路 立 更 取 本随 怒 奉 須 授 拒不 我 家 取 作 母 毋 必告 裂擲 矣 指 爾許 固 雪 几 書 課 謂 命 毋 語 何 之 世 肵 毋 毋 乃 命 讀 敢 採

麥粥飯 兒讀書而 、義命自安藏金豈 自茹瓜蔓餘廩周里之餓者年 祥物哉炭饑穀騰躍 毋

馬 能食之不能教非所謂可託也若節母者其真能 · 飲卒 其昶日昔方侍 勅 旌貞節 那 謂婦人尚志節 固已而立孤 教 難

與聞讀程朱之 則喜否則怒何其卓識也吾又以 知

程朱之言當乎人心之公而叛而去之者妄也 **婦傅弟十** 姓李 7 戴存 **餉捍賊為姦民所嫉烈婦** 先生妻也先生見前傳咸豐

初奥

戴

婦

者後忽弛分爲羈縻城守計聽各娶婦 媥 聞 被 執 姚七 誠 褫 亂 忽 **酉身奉** 一磅因納婢 即 衣 口中噴 遽 懷 縣 寇至仲女年十六抗 小 城寇 析 死以閒脱其幼女 親我 汝 沫 婦 IJ 烈婦 劉 死 使諸婦瑕守 衣 觚 出 婧 袖 氏 先生避 小地 寇 閒 旣死諸婦 人易處耳初烈 欲 故 視之已 得 砚其衣 地舒 烈 **列死** 死 初寇令嚴 防 同宅 婦 劉 陽共諸 烈婦 城烈 死 紅 姚 寇 刺 密 劉 婦 뺬 刖 日 生三 劉 劉 男 亦 攜 嫭 女無 幽囚 被執 殊自 語縮 亦陰受 及约女 劉 时 北 政 後 手 州 婦 亂

母張氏諱清徽字文卿文端公六世孫 毋家傳弟十 朝 次女德掇其尤異之行作 **媚事尤著以夫有文腦 其昶日粤寇之**亂 者皆有祠 來歸是時家方盛上下 編修諱元宰外 日吾今可以報女君矣遂死 櫛髮至是寇欲娶之乃大爲寇怒殺之東 祀固無俟廣搜云 ____ 祖甘肅 吾邑女婦義不唇身死者多矣 播 规來 岷 也 州 閨閣 知 世不求備 一母駒 州諱聰梓 幽隱述事大 女 也其已 毋 曾 年祖 無 門 翰 同 而

治然氣體 遂終於家其與人不必有大施厚恩意隆於物情溢 無狀終 詰責嗚嗃 娶以至賓祭贈答患難 然若無能 觸 遠遊京師逾年歸疾益甚未幾疽遺醫者謂法當 **忤郎亦無所表襮三十餘年中凡經紀三喪三嫁再** 故吾母之生皆樂親之及卒皆哀初毋患胺疾其 、默不言賃僕多至二三十年不 !然事亦無不舉者吾父性善怒於意有不然 耗憊已甚其昶憂惶不 母屏息改為或從容白陳理即 不效而前夕 婦姚氏從弟婦吳氏亦各 流離疾病醫藥無成月無有退 知所為計私念臂肉 呵遺 他 老 刲 可

也 母病以氣體素 自度疾不起謂他無所冀庶見吾兒讀書稍有立 皆以母撫愛之若女不忍不以母母吾母也於是 一詩日哀哀父母生 和 以生 懷也此尤其昶之隱痛而自以不可為人者 **郇 盆 歎 吾 母 逮 下 之 仁 感 人 之 切 至 難 能 矣 毋** 劑進其飛初不聞知乃至庶母旦夕侍疾未嘗 死瞑目矣今其昶生三子母皆不及見傷哉 (生子女八人今存者其昶及一 而此一人者又不獲遂其垂老所僅 我劬勞以劬勞故自傷其生 艱亦何遊至 姊 妹

事・一					乎將安訴此酷哉男其昶述	
△						*